

臨武縣志卷之三十四

武功志

止戈爲武曷爲乎稱功爲其披堅執銳用克捄民於水火是以功之也楚南之奏膚功者莫大乎殷武常武江漢諸什江漢之鋪淮夷也而曰至於南海殷武之撻荆楚也而曰居國南鄉至惠此南國常武亦曾歌咏及之臨爲梵南邊徼極境烏知夫哀荆旅者不曾窾入其阻乎書闕有間矣方策所載漢唐以來訖於明季其間干戈擾攘兵燹疊煽而朝有壯猷之元

臨武縣志

卷之二十四

武功一

老野有干城之武夫卒克枕戈蹈刃以固金湯而衛生靈又或獻老傳聞史軼其事而忠肝義胆懋績殊勲森然照人耳目日記曰能禦大灾捍大患皆爲有功德於民者也忍令其泯然以漸滅歟志武功

曹家玉識

漢靈帝中平三年孫堅爲長沙太守時區星作亂桂陽郡民郭石等起衆應之攻陷臨武等縣堅親帥將士越桂陽郡討郭石等誅之三郡肅然漢錄前後功封堅烏程侯

獻帝建安十五年先主收江南以諸葛亮爲軍師守軍

將督桂陽等郡調其賦稅以充軍實公以桂陽郡所
統臨武等縣邊於南粵乃表趙雲爲偏將軍領桂陽
太守招慰臨武諸縣以制南粵先是桂陽太守趙範
出降範有寡嫂曰樊氏有國色範欲以配雲雲辭以
同姓不納人勸之雲曰範迫降爾心未可測天下女
不少遂不取範果逃走故郡邑民服雲智勇相率迎
降終無叛意

吳赤烏二年廖式作亂攻圍桂陽等郡縣城邑馬岱自
表輒行星夜就路孫權遣使拜岱交州牧及遣將唐

臨武縣志

卷之二十四

武功二

咨等絡繹相繼攻討一年破之斬式及遣諸所署僞
太守費揚等并其支黨郡縣悉平復還武昌時已八
十矣

梁時臨湘人歐陽頎少與左衛將軍蘭欽相善常隨欽
南征夷獠有功欽征交州復啟頎同行欽度嶺而卒
頎除臨賀內史啟乞送欽喪而後之任時湘衡郴桂
五十餘洞不賓勅衡州刺史韋粲討之粲委頎爲都
督悉皆平殄粲啟梁武帝加頎超武將軍討廣衡等
州山賊以頎監衡州事臺城陷後嶺南諸郡互相吞

併蘭裕以高州叛攻陷始興州今府郡徃攻桂陽臨武

等縣遣使招頷不從謂其使曰高州昆季隆顯莫非

國恩今應赴難援都豈可自爲跋扈及陳高祖霸先

至始興乃頷深自結托裕遣兵攻頷霸先援之裕敗後

梁元帝承刺以始興爲東衡州授頷持節靈麾將

軍東衡州刺史招慰郴桂等郡縣皆撫之

按歐陽氏於梁陳隋唐時可謂顯矣頷顯於梁紇顯

於陳詢及通顯於唐祖孫父子四世濟美然考梁陳

二史皆指爲臨湘人詢通父子列在唐傳亦曰潭州

臨武縣志

卷之二十四

武功三

臨湘人而舊志獨曰湘陰則與三史迥不侔矣夫水

沂其源事從其朔姑就史傳繫之臨湘以俟博物者

再攷云

又按唐書地理志今長善即古臨湘地而湘陰則古羅縣也曹家玉識

唐高祖武德四年李靖攻荊州蕭銑出降或請靖籍蕭

銑將拒戰者家貲以賞軍靖曰王者之兵吊人而取

有罪今新定荊郢宜示寬大以慰其心若降而籍之

恐自荆而南堅城劇屯毆之死地非計之善也止不

籍由是湖以南郴衡等郡縣爭下乃出郴臨武度嶺

分道招慰所過問疾苦延見長老宣布天子恩意遠

近權服

宋高宗紹興二年命岳飛權知潭州兼權東路安撫都
摠管付金字牌黃旗招賊曹成成聞飛至驚曰岳家
軍來矣即分道而遁飛至茶陵遣兵趨郴及桂陽監

時臨武併
入桂陽監

伺成動息上詔令察其受招與否爲之進
退飛奉詔招成不聽乃上奏云比年多命招安故盜
力强則肆暴力屈則就招苟不畧加勦除蠶起之衆
未可遽殄許之飛入賀州境得成謀者縛之帳下飛
出帳調兵食吏曰糧盡矣奈何飛陽曰姑反茶陵已

臨武縣志

卷之二十四

武功四

而顧諫若失意狀頓足而入陰令逸之諜歸告成成
大喜期翌日來追飛命士蓐食潛趨遶嶺未明已至
大平場破其砦成據險拒飛飛麾兵掩擊賊太潰成
走連戰至蓬頭嶺破其衆成奔連州飛謂張憲等曰
成黨散去追而殺之則脇從者可憫縱之即復聚爲
盜今遣若等誅其酋而撫其衆慎勿妄殺於是王貴
自郴至臨武招下者萬衆與飛會於連州進兵追成
降之

元世祖十有二年命阿理海牙還鄂且以沿江諸臣新

附者委之海牙至鄂招潭州守臣李芾不聽乃移兵
攻之七十日始下其城諸將欲屠之阿里海牙曰是
州生靈數百萬口若悉殺之非上諭伯顏以曹彬不
殺意也其屈法生之復發倉以食饑者遣使徇桂陽
臨武等郡縣其守臣皆率其民來迎曰聞丞相體皇
帝好生之德所過皆秋毫無犯今民復見太平各奏
表來降丞相稱阿里海牙也海牙所定荆南郴桂及
兩廣凡得州數十餘洞夷山獠不可勝計大率以口
舌降之未嘗專事殺戮又其取民悉定從輕役民所

臨武縣志

卷之二十四

武功五

在立祠祀之

元時陳均義臨武西隅人沉毅有勇豐於貲至正初崑
寇出沒均義召募土人得千餘隨叅知政事哈刺帖
木兒等收捕之十二年紅巾賊廖景知等攻陷臨武
縣治執長吏殘殺之仍以所部落據縣治均義得所
募兵及陳舜隆等二千餘人殺走景知等復其縣分
布境內民各耕守不爲動具其事於帥府未報間僞
招討唐雲龍以藍山僞帥陳淵等五千餘人來寇縣
復據之均義擒殺雲龍解赴桂陽路收勘十七年陳

淵及僞萬戶艾舜等再入寇屯衆萬餘於界上均義
往禦之陣擒艾舜及斬獲僞鎮撫梁國安等二十餘
級陳淵敗死時藍山平陽縣民李君寶等一千餘戶
爲賊所苦率衆依均義均義量給口食仍撥與廬地
耕牛於是連廣等處民多來附湖廣中書省臣言於
朝以均義領義兵萬戶判簿臨武縣事適宜章等縣
僞元帥歐陽平泰攻陷宜章均義及郴州義兵鄺和
等勦復陞永州路同知總管府事又以廣東廉訪使
八撒刺不花等檄往廣州攻勦韶廉山海諸寇陞授

臨武縣志

卷之二十四

武功六

武略將軍同知南雄路事時潭州諸路相繼陷沒從
行中書省臣議開設屯田水軍元帥府以均義領水
兵萬戶隨右丞榮祿征下長衡等路勅授江西等處
征行元帥副使往勦僞帥黃景中等克之以均義兼
湖南宣慰副都元帥領兵討賊張赤脚並攻破永興
僞太平省等賊巢因諭下郴桂韶連四處未附民仍
領之二十七年宣授武德將軍湖南宣慰使都元帥
總領湖南兵事均義以萬戶屢立戰功湖嶺間方千
里皆聽節制僞漢陳友諒僭據荆楚均義控守封塞

諸盜不能害明太祖兵起均義等悉以所部歸附及卒太祖以前功錄其部陳以宣等官級有差

評曰元運踰常均義等憤忠以殉國難盈虛之道殆未之有識也然能以孤旅克復故疆提師千里建牙杖鉞可謂曰能而境內賴以粗定方蛇豕縱橫能免民於搏噬卒克保以之待真主不煩王師果天誘其

衷耶於乎均義得附翼風雲則登壇受冊豈其所難哉悲夫

舊志劉司馬評

陳舜隆臨武文化鄉人紅巾賊起從均義出貲募眾克

臨武縣志

卷之二十四

武功七

復臨武縣治以功授桂陽路同知後從元帥李伯顏征下韶連等路斬獲賊首李三良等累進秩武毅將軍征行副都元帥年五十卒族子陳良玉少在舜隆軍前斬獲有功擬授英德路同知又兼常寧州判官累官元帥鎮撫舜隆沒即以良玉領其部從元帥均義城守湖南等路後陳楚澤楚誠壽慶及周朝海等俱以父功錄用蓋義其從順也

評曰舜隆等本以鄉俠乘時趨捷以行其志亦假仁於保愛又挾元位號名他人爲賊故近正也當末運

雲擾諸盜名字以逞者志在苟一時榮富表茅繪繒
虛喝草間迫脇齊民而亂所非匹不有豪勇之士抱
義挺身以爲遐方之標技則天網人紀泯然矣傳曰
禮失而求之野若隆者又可盡少哉

舊志劉司馬評

明英宗時湖廣按察司副使整飭郴桂兵備沈慶浙江
餘杭人天順四年春正月崙苗攻臨武慶得報即偕
守備指揮使陳昶領兵三千來援賊聞援兵至急遁
去慶度賊且再至卽收合邑民立柵掘塹以待之乃
具其事請城塹允下躬率吏民履荆棘營度方位而

臨武縣志

卷之二十四

武功八

城焉諸工身爲之勸課越九月工告成十有二月崙
苗果再至邑以有城得無恙

柴正靖州指揮使奉勅守備郴桂等處天順八年崙苗
入寇至城下圍攻旬日不克釋去攻桂陽州城陷之
時正尙未之任得檄報自靖州領兵晝夜兼行七日
至桂陽則已陷矣謀知賊去路乃從間道出臨武先
至順頭嶺

嶺在臨武南境連州界

設伏各隘賊已出楚境不爲

備行至嶺伏兵四發大破之斬俘甚衆其逃去者十
之一二爾盡奪其所掠人口以歸

李濬貴陽人邑主簿天順庚辰崙苗以萬衆來寇時縣無城塹民皆棄妻子走濬收其衆保舜峰寨以拒之賊環寨而攻者三晝夜蓋寨爲均義故壘也四壁斬然隱隱見陴堞濬出死力率先壯勇驅石曳柴以助聲勢卒以完師而救兵亦至焉寇退樹柵列戟集衆若部落然冬十二月苗人再入寇時已有土堞可依以據民既經戰守諸凡攻禦之具亦粗備矣城中煮毒藥膠於鏃以中人無不立死者圍數日賊中藥死者半竟無所得而去八年苗復大舉數且二萬計連

臨武縣志

卷之二十四

武功九

寇城下不克轉攻桂陽城陷之時知縣陳君鏊至矣而將衆保城運算出奇舉濬之力也故官臨者惟濬於衛民之功最大且竒特書之以續武功焉

秦金無錫人湖廣巡撫都御史正德間廣韶連等山崙苗民叛來寇縣且兩至城下不克攻往攻寧遠城及藍山相繼陷沒嶺表亂金奉勅往征屯兵臨武乃自藍山俱莽山及連山等處嶮崙數十以次攻勦所向克捷旬月間盡平殄之又建議臨武宜章南界常諸崙之衝設立笆籬等三堡調郴州等所百戶三員各領軍若

于以守所勦諸崗没入土田均撥三堡屯種時臨武爲茶陵戍軍所苦金奏令掣回乃以荆襄二衛官領班更戍之又奏革赤土巡司以爲冗員也臨武客民雜處土著之民徃徃爲豪商欺奪有訴於金者輒剽執之以法至有立斃於杖下者又面諭縣中長吏凡諸豪有犯視此不爾苛也縣境肅然至今賴之

羅經臨武東隅人少任俠豐於貲猶善辭辨先是正德中己巳辛未崗苗連寇賊勢不甚盛而機械過前中有廣右山寨及連桂亡命者主之故多竒技經聞賊

臨武縣志

卷之二十四

武功十

至出囊金若于募死士緣城而下夜刼之賊少却詰旦造攻車數十兩薄城下而引飛梯於車內城中人無不股慄者乃令衆用茅束石而投之賊不爲動以車幔編竹所爲而蒙以革石至輒隕外席茅二尺許乃以火矢中之矢着茅即燃車中人大亂死於火者無算其躍出者又爲流矢所中先是賊車薄城下經令有力者以千支其車用長矛挽之不能進又不能卻故賊盡殲焉寇退奉督撫議徃撫諸苗不聽經出所愛子朝東徃質之議成朝東歸旬日而死故副使

臨川章公袞序經之績有財殫於募士子歿於勤王之句又歌之曰羅君卓犖千人才蓋其烈也

謝端省祭臨武文化鄉人時議以苗民叛服不常命勦之端以子廷儀往質於諸崗以緩其備因襲而屠之後又從都御史秦金往征廣嶺莽山等處委端任轉輪終事無所匱乏嶺北乎

評曰羅謝亦鄉人之壯也勤王事而無所愛其子雖材能不及均義等而狗難之志同也時乎無所事壯士賞不酬功也惜哉故以附之武功末見志焉

舊志
劉司

臨武縣志

卷之二十四

武功十一

馬評

艾朝仁臨武人少有膂力嘉靖壬戌粵寇飛天王勇悍無敵率衆圍城七日夜仁受司馬劉公指畫方畧遂率其族子弟赴敵先日與賊戰佯北以驕其志明日以單騎誘之賊衆來追伏發擊之斬飛天王殲馘無算餘賊悉奔潰城賴以全劉公疏於朝命給冠帶並設艾兵殺手百餘名爲邑保捍另增設糧糈給之名曰艾餉

崇禎戊寅賊首劉新宇攻掠城邑勢延楚粵兩省邑廩

生黃廷達生員黃金榜黃士竒黃象坤以功授守備黃士

彥以功授守備黃大柱鄉勇黃慶朝以功授守備黃象域黃大

施黃大錦黃大體黃贇廷以上五名俱授千總等首帥其鄉勇

大敗之尋與官軍相掎搦直搗其穴平之當道叙其

功各授武職有差內有廩附不願改武者俱賜旌扁

及癸未朱衣點之亂金榜等再舉義師粵督沈公復

爲題叙云

沈猶龍字雲升松江人爲兩粵總制沉毅有識畧嘗以

匡復爲己任崇禎十六年逆寇張獻忠攻陷湖南猶

臨武縣志

卷之二十四

武功十二

龍自廣州移駐肇慶遣將自宜郴分道援楚以舉人

鄒統魯廖應亨彭岱齡爲參軍所至皆望風歸附獨

臨武僞令朱衣點悞悍負固乃遣韶州總兵宋紀將

銳卒三千人以南雄推官黃廷才監軍討之屯於東

南城外四面環攻賊率其所募衆登陴拒守不能克

顧時於昏夜掩襲我軍宋紀患之軍士擐甲枕戈相

持益久值舉人袁從諤至自郴江以計令城中縛賊

以獻時吉府副將楊國棟湯執中等亦率兵來援甫

至屯西城外城中不知主帥爲誰誤以僞令朱衣點

執獻楊湯軍府紀怒將盡屠已降者黃廷才力解之
乃止臨武既平猶龍爲各叙其績於朝遷擢有差
崇禎初臨武藍山盜起逼桂陽桂主告急南安守備崔
文榮督所部會勦却賊四萬人以功擢武昌叅將文
榮海寧衛人世襲指揮僉事舉武會試後在漢陽洪
山等處屢立奇功城破陷陣死

臨與廣東之連州地界相接崇禎十六年猺賊爲亂時
廣東副使分巡南雄韶州二府王孫蘭馳勦三戰皆
捷孫蘭無錫人崇禎四年進士張獻忠陷衡州守將

臨武縣志

卷之二十四

武功十三

先據城叛孫蘭自縊死

按此二條事見明史忠義傳前此纂修邑乘相距不
過四十餘年已不曾采錄蓋當時明史未成而芻蕘
之言所見異詞所聞異詞迄無所表著因思摧鋒陷
銳之士膏血塗草野而姓字不克勒旗常迨至世遠
年湮口碑亦復凋謝豐功勁節竟附諸無何有之鄉
則所遇之不幸也可勝悼哉

曹家玉識

穆將軍名詹滿州人康熙戊午以征南將軍討吳逆之
亂克復郴桂諸州邑所至纖粒無擾旋遣陶祖二章

京畧定臨武軍益肅然叅將鄭琦往謁戲詹曰善將
兵者多不恤民吾未嘗蹈此弊轍也人謂有古名將
風臨民勒石頌之

臨武縣志

卷之二十四

武功十四